



WILMA QUAN
Tus Tswj Xyuas Lub Nroog

LOS NTAWM LUB CHAW HAUJLWM RAU
TUS TSWJ XYUAS LUB NROOG:

COV LUS KHOO XWM TXHEEJ CEEV 2020-03
COV TIB NEEG UAS LAUS TSHAJ 65 XYOOS THIAB COV YUAV MUAJ MOB LOJ YOG
TIAS KIS TAU

Vim tias kuv yog Tus Thawj Coj Saib Xyuas Thaum Muaj Tej Yam Xwm Txheej Ceev raws li Cov Cai Kav Lub Nroog Fresno Tshooj 2-505, thiab raws li lub zog uas txoj cai muab rau kuv hauv Cov Cai Kav Lub Nroog Fresno Tshooj 2-506, kuv yuav tshaj tawm cov lus khoo raws li ntawm no, kom nws pib tamsid mus thiab kom ntev mus raws li Lub Nroog tseem muaj tej yam xwm txheej ceev vim tus kab mob COVID-19:

1. Rau tagnrho cov lag luam thiab cov chaw ua haujlwm hauv Lub Nroog Fresno uas muaj cov neeg ua haujlwm uas 65 xyoos lossis laus tshaj thiab cov tib neeg uas CDC hais tias yuav mob loj heev vim tus kab mob COVID-19, peb xav kom nej tso cov neeg ua haujlwm ntawd mus nyob tom tsev.
2. Raws li CDC cov lus qhia, cov tib neeg uas muaj 65 xyoos lossis laus tshaj thiab cov tib neeg uas yuav mob loj heev vim tus kab mob COVID-19 uas CDC tau hais txog mus nyob tom tsev thiab nyob deb ntawm cov neeg uas tsis yog lawv tsev neeg.
3. Cov neeg ua haujlwm no raug zam raws li cov lus khoo ntawm no:
 - 3.1. Cov neeg ua haujlwm pab kho thiab tu xyuas mob
 - 3.2. Cov tib neeg ua haujlwm pab cov pej xeem ua ntej, cov neeg ua haujlwm pab txhawb lawv, thiab lwm cov neeg ua haujlwm tseem ceeb los pab thaum muaj tej yam xwm txheej ceev
 - 3.3. Cov tib neeg uas ua haujlwm rau lawv tus kheej uas muaj lub lag luam uas peb tseem tso cai qhib
 - 3.4. Cov tib neeg uas ua haujlwm tseem ceeb txog kev, tsev, fais fab, nrog rau, tiamsis tsis tas rau, kev puab kev kho tej yam uas cov pej xeem yuav tsum tau, kev puab kev kho tsev (tseem ceeb tshaj yog tsev luam lossis cov tsev rau tib neeg uas tsis muaj tsev nyob), chaw haujlwm ya dav hlau, dej, dej khib nyiab, nkev, fais fab, roj, kev tsav tshab thiab kev loj, kev thauj mus los rau cov pej xeem, kev tuaj thauj thiab kev tshem khib nyiab, istawsnev thiab xovtooj (nrog rau tej yam haujlwm tseem ceeb los khiav kom tau cov haujlwm hauv koospijtawj, tsev haujlwm, kev tiv tauj, thiab cov kev siv istawsnev rau lub ntiaj teb, lub xeev, thiab lub nroog)
 - 3.5. Cov tib neeg uas ua haujlwm tseem ceeb rau tsoom fww, txhais tau tias rau cov uas ua haujlwm los saib xyuas kom tsoom fww cov chaw haujlwm tseem khiav taus thiab los muab kom tau cov kev pab hais txog kev noj qab haus huv, kev nyab xeeb, thiab kev noj qab nyob zoo rau cov pej xeem

Lub Nroog Fresno

City Hall • 2600 Fresno Street • Fresno, California 93721-3600

(559) 621-7768 • Tus Xovtooj FAX (559) 621-7776 •


www.fresno.gov

Cov Lus Khoo Xwm Txheej Ceev 2020-03
Cov Tib Neeg Uas Laus Tshaj 65 Xyoos
thiab Cov Yuav Muaj Mob Loj Yog Tias Kis
Tau Lub Peb Hlis Ntuj Tim 18, 2020
Nplooj 2 ntawm 2

4. Cov Lus Khoo no yuav tsis txwv leej twg los mus ua haujlwm hauv tsev lossis khiav haujlwm hauv xovtooj lossis saum istawsnev tom tsev.
5. Fresno Cov Tub Ceev Xwm Lub Tuam Tsev Haujlwm thiab Lub Nroog Tus Kws Lij Coj Lub Chaw Haujlwm Tswj Kom Ua Raws Cai yuav yog cov tswj saib xyuas kom tib neeg ua raws li Cov Lus Khoo ntawm no.
6. Cov Lus Khoo raug muab kho lossis raug muab ncuu tseg thaum twg los tau, thiab yuav raug muab siv tsis tau los hloov tej yam uas koj tau txaus siab ua hauv daim ntawv cog lus nrog lwm tus neeg, tej yam cai txog lub chaw, lossis siv tsis tau los foob Lub Nroog.
7. Yog muaj ib co lus hauv Cov Lus Khoo no lossis cov lus no tsis haum rau tej tug neeg twg lossis tej yam nws ua ces cov lus ntawd yuav tsis raug rau nws, tiamsis yog tias muaj lwm cov lus uas nyob hauv Cov Lus Khoo no haum rau nws lossis tej yam nws ua, ces nws yuav tau ua raws li cov lus ntawd tagrho thiab ua tamsid mus. Nws nyob ntawm peb, peb muaj txoj cai ncuu tseg cov lus hauv Cov Lus Khoo no los tau.
8. Cov Lus Khoo no yuav tau muab los txhais ua lus Mev thiab Lus Hmoob tamsid, thiab yuav tau muab kho kom cov tib neeg uas muaj tej yam kev xiam oob qhab nyeem kom tau; peb yuav muab tshaj tawm rau tagrho cov kev tshaj saum istawsnev thiab muab tso rau saum Lub Nroog qhov vesxaij kom txhua tus neeg pom tau.
9. Raws li Cov Cai Kav Lub Nroog Fresno Tshooj 2-512, cov tib neeg uas tau ua txhaum Cov Lus Khoo ntawm no yuav raug txim tias txhaum cai raug txim nrab (misdemeanor) los them tus nqi nplua uas yuav tsis ntau tshaj ib phav duaslas lossis raug kaw kom tsis txhob ntev tshaj ib xyoos, lossis yuav raug ob yam ua kev uas them tus nqi nplua thiab raug kaw.

COV LUS KHOO NO YUAV PIB TAMSIM NO MUS.

Tus Thawj Coj Saib Xyuas Thaum Muaj Tej Yam Xwm Txheej Ceev



Wilma Quan
Tus Tswj Xyuas Lub Nroog

Lub Peb Hlis Ntuj Tim 18, 2020 11:58am

Lub Hnub Tim

Lub Sijhawm